



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅՈՒՆ
ՈՍՏԻԿԱՆՈՒԹՅԱՆ ՊԵՏ - ՆԵՐՔԻՆ ԳՈՐԾԵՐԻ ՆԱԽԱՐԱՐԻ ՏԵՂԱԿԱԼ**

Հ Ր Ա Մ Ա Ն

ԹԻՎ 3318-Ն

**ՈՍՏԻԿԱՆՈՒԹՅԱՆ ԿԱՊԻՏԱՆ ՍԵՐԳԵՅ ՌԱՖԱՅԵԼԻ
ՆԱԶԱՐԵԹՅԱՆԻՆ ԿԱՐԳԱՊԱՀԱԿԱՆ ՏՈՒՅԺԻ ԿԱՐԳՈՎ
ՀՀ ՆԳՆ ՈՍՏԻԿԱՆՈՒԹՅՈՒՆՈՒՄ ԾԱՌԱՅՈՒԹՅՈՒՆԻՑ
ԱԶԱՏԵԼՈՒ ՄԱՍԻՆ**

ՀՀ ներքին գործերի նախարարության ներքին անվտանգության և հակակոռուպցիոն վարչությունում իրականացված ծառայողական քննությամբ պարզվել է, որ ՀՀ ներքին գործերի նախարարության ոստիկանության Երևան քաղաքի վարչության Շենգավիթի բաժնի համայնքային ոստիկանության բաժանմունքի տեսուչ, ոստիկանության կապիտան Սերգեյ Նազարեթյանը, առանց հարգելի պատճառների, 2023թ. հոկտեմբերի 27-ից մինչև հոկտեմբերի 31-ը, ապա՝ 2023թ. նոյեմբերի 11-ից մինչև ծառայողական քննության ավարտը՝ 2023թ. դեկտեմբերի 20-ը, չի ներկայացել ծառայության, ավելին՝ 2023թ. նոյեմբերի 18-ից մեկնել է Հայաստանի Հանրապետությունից:

Այսինքն՝ ոստիկանության կապիտան Սերգեյ Նազարեթյանը թույլ է տվել «Ոստիկանությունում ծառայության մասին» ՀՀ օրենքի 42-րդ հոդվածի 3-րդ մասի 6-րդ կետով նախատեսված կարգապահական կոպիտ խախտում:

Ոստիկանության կապիտան Սերգեյ Նազարեթյանին կարգապահական պատասխանատվության ենթարկելու հարցը 2023թ. դեկտեմբերի 28-ին քննարկվել է ՀՀ ներքին գործերի նախարարության ոստիկանության կարգապահական հանձնաժողովում, ինչի արդյունքում որոշում է կայացվել միջնորդել ՀՀ ներքին գործերի նախարարության ոստիկանության պետ-ներքին գործերի նախարարի տեղակալի պարտականությունների ժամանակավոր կատարողին՝ ոստիկանության կապիտան Սերգեյ Նազարեթյանի նկատմամբ կիրառել «Ոստիկանությունից ազատում» կարգապահական տույժը:

Ելնելով վերոգրյալից, հիմք ընդունելով «Ոստիկանությունում ծառայության մասին» ՀՀ օրենքի 42-րդ հոդվածի 1-ին մասի 8-րդ կետը, նույն հոդվածի 3-րդ մասի 6-րդ կետը և ղեկավարվելով նույն օրենքի 43-րդ հոդվածի 6-րդ մասով, 45-րդ հոդվածի 1-ին մասի 6-րդ կետով, ինչպես նաև «ՀՀ ոստիկանության կարգապահական կանոնագիրքը հաստատելու մասին» ՀՀ օրենքով.

ՀՐԱՄԱՅՈՒՄ ԵՄ

1. Կարգապահական կոպիտ խախտում թույլ տալու՝ առանց հարգելի պատճառների ամբողջ աշխատանքային օրվա ընթացքում ծառայության չներկայանալու համար՝ ՀՀ ներքին գործերի նախարարության ոստիկանության Երևան քաղաքի վարչության Շենգավիթի բաժնի համայնքային ոստիկանության բաժանմունքի տեսուչ, ոստիկանության կապիտան Սերգեյ Ռաֆայելի Նազարեթյանին կարգապահական տույժի կարգով ազատել ՀՀ ներքին գործերի նախարարության ոստիկանությունում ծառայությունից:

2. Ոստիկանության կապիտան Սերգեյ Նազարեթյանին՝ վճարել վերապատրաստման համար պետության կողմից կատարված ծախսերը յոթնօրյա ժամկետում՝ 900005001293 հաշվեհամարին:

3. ՀՀ ներքին գործերի նախարարության ոստիկանության Երևան քաղաքի վարչության պետ, ոստիկանության գեներալ-մայոր Սևան Քոչարյանին՝

- հրամանի մասին սահմանված կարգով և ժամկետում տեղեկացնել ոստիկանության կապիտան Սերգեյ Նազարեթյանին:

4. Հրամանը հայտարարել ՀՀ ներքին գործերի նախարարության ոստիկանության բարձրագույն, գլխավոր, ավագ և միջին խմբերի պաշտոններ զբաղեցնող ծառայողներին:

**ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ,
ՈՍՏԻԿԱՆՈՒԹՅԱՆ ԳՆԴԱՊԵՏ՝**



Վ.Վ.ՎԱՐԴԱՆՅԱՆ

<< 29 >> դեկտեմբերի 2023թ.
քաղ. Երևան